

舌擊編

卷五

蘇子卿

PDG

古學編卷五

會稽東山沈 儲蒙

姪

穆子狀

楨子貞較訂

男寶榆春樹

敬稟者竊卑職于上年冬間接奉憲檄委署馬巷廳事務自到任以來凡地方一切事宜無不悉心經理以期無負委任無如今之不行禁之不止良民則偃然無依奸宄則狡焉思逞風俗之頑梗愈甚錢糧之征收愈難卑職深虞隕越朝夕焦勞亟思補偏救弊之方以及久安長治之策惟有仰藉國威重加整頓庶足以洗舊染而挽頽波今日下游情形譬如人患癰疽初時毒氣未甚元氣

未。哀。可。以。內。消。外。散。及。毒。氣。浸。淫。經。絡。潰。爛。肌。膚。非。極。針。砭。之。用。
盡。攻。伐。之。技。有。不。能。起。沉。疴。而。除。痼。疾。者。壹。馬。基。水。連。金。厦。陸。接。
南。同。片。園。曉。確。民。貧。俗。悍。如。東。之。許。厝。黃。厝。西。塘。內。塘。南。之。柏。頭。
陳。頭。新。店。洪。前。西。之。內。官。河。厝。器。頭。湖。厝。北。之。烏。山。郭。山。前。山。林。
尾。等。數。十。鄉。族。大。丁。多。向。為。盜。賊。淵。藪。出。海。糾。劫。以。救。貧。接。水。消。
賊。以。致。富。父。傳。子。受。習。俗。成。風。數。十。年。來。地。方。官。不。敢。過。問。其。餘。
則。習。尚。囂。凌。恥。貧。不。恥。賤。微。利。所。在。父。可。賣。子。弟。即。負。兄。即。一。姓。
聚。族。而。居。亦。無。不。以。大。凌。小。以。眾。暴。寡。睚。眦。之。仇。動。輒。列。械。互。鬪。
展。轉。報。復。數。世。不。休。性。命。傷。殘。從。無。怨。悔。其。狠。可。誅。其。愚。實。可。憫。
至。于。抗。糧。惡。習。則。無。鄉。不。然。任。斯。土。者。歷。苦。賠。累。緣。我。朝。深。仁。厚。


澤屢逢恩詔。豁免舊欠。該民人視為當然。不特編戶齊民。群思覲覲。即殷寔紳衿。亦莫不累年逋欠。希圖豁免。是國家寬卹之恩。反以啟頑戶逋糧之習。且圖承糧書叢為利藪。糧額冊籍。無可稽查。故雖有廉明之吏。亦復徒喚奈何。向來遇有械鬪命盜等案。地方官會營帶兵下鄉查辦。非不耀武揚威。而惟恐滋生事端。率皆顛預了結。從未有拏一犯獲一凶。明正刑誅者。而兵勇書役輿馬飯食之費。無一不出于鄉間滋事者。盡游蕩之徒。而受累者則溫飽之戶。匪胆愈張。而良民解體由來久矣。故上年會匪滋事。各處土匪聞風響應。與官為仇。此亦孟子所謂民得反之之時也。其從逆者無論已。其餘亦各成群結隊。白晝通衢。上至官員。下至商客。公然

搶剥旁若無人。後雖失守地方。次第收復。而逃回逆徒。與各處搶匪。固晏然無恙也。若輩鷹眼猶存。狼心如故。地方官欲按名捕獲。則苦于差力不勝。欲設法購拏。則苦于線費無出。不得不藉各鄉紳耆團練約束。以期苟安目前。而紳耆中公正者。百無一二。其始也。尚能遵照示諭章程。勸導禁止搶鬪之風。藉以少息。繼則各逞已私。或從中射利。以致各鄉怨忿不平。不遵約束。而其中刁生劣監。則藉團練為名。邀結黨類。漸以把持衙門。干預公事。團練之利。未形而害已見矣。至錢糧一項。卑職于到任時。即剴切示諭。繼復邀請紳耆分頭勸導。乃本年上忙。僅征銀一百數十兩。不敷坐支各項下忙開征。已逾一月。僅收銀二十餘兩。卑職親赴各鄉傳

集該房族長。面為勸諭。方略有頭緒。突有連塘鄉土棍林祿倡首。把持以致各鄉盡懷觀望。或云賊氛未淨。安能完納。或云已經豁免。何以復征。並有悖謬之言。不能形諸楮墨者。其愚蠢頑梗情形。寔令人無從措手。然向也不知法而尚畏法。今則視法令如弁髦。向也不信官而猶畏官。今則玩官府如草芥。民至不畏法。不畏官。則亦何事不可為。在上者又可玩愒因循。坐視地方之糜爛哉。以卑職之愚計。誠能于仙遊軍務完竣後。派撥精兵一千或八百名。統以廉幹健將佐以公正大員。將泉屬著名各匪鄉嚴行查辦。誅其凶頑而撫其良善。庶足以振積玩之人心。而樹已頽之綱紀。其餘各鄉未能遍歷。則飭各屬檢查新舊械鬪命盜等案。按起拏辦。

必寔以獲犯追贓為事。不准以空言了結。斯拔其害苗者而嘉禾。乃植去其害馬者而良騎。乃蕃否則官不能治民。民不知有官。案件不能辦。錢糧不能征。官為廢官而地為棄地。如之何其可也。或謂照此辦理。則必須三月之期。萬金之餉。當此經費支絀之時。何堪再供此浪費。不知為政者不可圖苟安而忘遠謀。尤不可惜小費而貽大患。倘一朝變動。則征調轉輸所費。寧止此數而已。耶。或謂泉郡六營兵數不少。何不以木標剗本轄。不必另行調撥。不知向來會營辦案。其弊不可勝言。兵弁狃于積習。必有未見其利而先受其累者。故甯調發外標。庶不致有名無寔。且夫下游之民悍而愚。知畏威而不知懷德。國家承平日久。向之蒞斯土者。多武健。

之。吏。威。力。足。以。相。制。故。能。羈。縻。于。無。事。自。上。年。地。方。多。事。兵。力。不。
能。遍。及。民。有。無。上。之。心。而。因。以。成。其。犯。上。之。事。此。真。所。謂。厝。火。于。
積。薪。之。下。火。未。及。燃。者。也。若。不。及。今。未。甚。決。裂。之。時。早。為。料。理。即。
使。苟。倖。目。前。無。虞。而。地。方。官。一。事。不。能。為。一。步。不。可。行。寔。有。一。日。
不。能。安。其。位。者。况。匪。徒。色。藏。禍。心。時。圖。蠢。動。有。併。求。目。前。之。安。而。
不。可。得。者。矣。明。者。見。事。于。未。形。智。者。防。患。于。未。萌。今。則。事。已。形。而。
患。已。萌。此。卑。職。之。所。以。深。憂。過。計。展。轉。籌。思。而。不。能。自。已。也。狂。瞽。
之。言。愚。昧。之。見。伏。祈。大。人。俯。加。採。擇。訓。示。祇。遵。臨。稟。不。勝。皇。悚。之。
至。卑。職。謹。稟。咸。豐。四。年。十。月。十。五。日。代。馬。巷。廳。作。



敬稟者竊卑職前奉憲札委署晉江縣篆。因自揣材力不勝。當經具稟懇辭。嗣蒙憲臺批飭遵委赴任。毋得規避。干咎等因。捧讀之下。不敢固辭。遵于本月初二日接印任事。業將到任日期稟報在案。伏查晉邑幅員廣濶。俗悍民刁。在下游素稱難治。然自會匪滋擾。晉邑獨未遭蹂躪。論者尚稱為完善之區。卑職抵任後。察看情形。始知公事之廢弛。民情之頑梗。以及地方官之困苦。賠累有非筆墨所能罄述者。請為憲臺約畧言之。錢糧為地方第一要務。而晉邑錢糧則歷任辦理奏銷。無不挪移墊解。自匪擾以後。民人藉端抗欠。幾致全額無征。查□前署令在任三年。後經減定銀價。乃僅征元二三四等年分地丁銀四千三百三十九兩零。本年上忙征

銀六百四十三兩零業經卑職縷述情形具稟鈞鑒至械鬪為下
游惡習從前地方官尚可隨時隨事下鄉拏辦自辦理軍務官府
無力兼顧各鄉匪類任意橫行彼此結連數十百鄉竟敢迫近城
廂列械互鬪銃炮之聲震聞遠近雖疊經紳士前往勸諭暫時止
息而匪徒未經懲創終屬目無法紀因以疊相報復要截搶擄致
民人不敢出鄉市井蕭條生理衰耗外此則搶剥遍于道路行旅
視為畏途竊盜擾及城鄉善良不能安枕且逆匪首夥漏網稽誅
附惡匪徒潛踪窺視一切購緝巡防在在均關緊要任斯土者目
擊兇橫之狀耳聞呼籲之聲非不欲奮發有為力圖整頓然鄉民
習于獷悍非文告所能勸諭非差役所能拘傳不得不示以國威

借資兵力故辦案必湏會營而會營必先籌費徃徃因經費無措展轉因循廢然中止是民情之頑梗由于公事之廢弛公事之廢弛寔由於官之困苦非虛言也前此晉邑錢糧一項即有盈餘其商船換照等項陋規又不下萬餘金藉以辦公綽有餘力嗣後歷年有減無增至近日而一空如洗且各屬均有緝捕經費惟晉邑獨無此項而每年賠累則自錢糧而外莫重于鹽課至逐日給發各處查路丁勇口糧支應徃來差使及一切費用每月約湏千餘串所恃進項僅每年征收鹽課四千餘串藉以支持旦夕任事者點金乏術無米難炊日汲汲於贍窮移急之不暇又何能聚精會神為地方謀興利除弊哉卑職抵任已閱二旬晨夕謁見憲臺議

及大小公事。未嘗不念。切民瘼。熟商釐剔。至籌及經費。一節輒。彼此撫膺。太息冥默。而退者。屢矣。愚意似宜為邑中稍籌費用。俾得畧紓其內顧之憂。然後可責以外治之效。此為地方計。非為一人計也。卑職薄植微材。謬膺民社。于一切應辦事宜。凡智慮之所能到。材力之所能勝。必當矢勤矢慎。勉從公斷。不敢畏難苟安。上負委任。若困于力之所不足。絀于勢之無如何。亦不敢掩飾虛詞。自蹈欺妄之咎。理合將寔在情形。據寔稟請察核。訓示祇遵。不勝激切惶悚之至。卑職謹稟。咸豐五年九月。日晉江。

敬稟者竊卑職謬蒙憲恩委署晉江縣篆。遵于九月初二日接印。任事業。將到任日期。及地方情形。先後稟報在案。竊查邑中政務。紛繁。惟錢糧一項。寔為地方精神命脉。所關如錢糧能照舊征收。則諸事可次第就理。茲查下游錢糧之疲。莫甚于泉屬。而泉屬錢糧之壞。又莫甚于晉江。蓋他邑僅患疲癯。而晉邑則已成不起之症。卑職碌碌庸才。寔無術起此痼疾。展轉思維。有不能不悞之勢。敢為憲臺略陳其概。查晉邑錢糧。向例每兩征銀一兩四錢。零從前銀價便宜。官吏均藉此沾潤。且以征數之羨。餘補征額之不足。故地方官不致賠累。嗣後民情刁玩。抗欠成風。征額則愈絀。銀價則愈增。二十年來。歷任辦理。奏銷無不挪移墊解。逮前署縣。口令

到任即值會匪滋擾各屬錢糧均蒙奏准分別蠲緩○令倖其任
內不辦奏銷完欠聽之於民不復以催科為事繼復輕信人言以
為欠糧由于價重遂示定減價每兩征錢二千六百文卑職前任
蚶江時聞有此舉竊計糧價關係甚重○令毅然減征必經博詢
紳耆確有把握從此征收必大有起色至所征不敷批解則地方
官因公賠墊尚屬分所當為及抵任後查○今于減價後僅征新
舊糧銀四千餘兩一切情形依然如故是徒以減價市小惠于目
前而不顧為害于他日其為貽累胡可勝言緣自匪擾以後百姓
幾不知完糧為何事而晉邑民人以○令之不征錢糧共相感戴
而卑職不幸適承其後若效○令所為則必頻年蠲緩而後可若

欲從新整頓。則一經舉動。已見怨謗紛騰。倘再事追呼勢。必群相抗拒。緩之不能。急之不可。此不能不誤者一也。查地方官經征錢糧。例應按日扣計。分數晉邑額征地丁銀三萬八千六百零兩。耗羨銀四千六百零兩。除存留坐支外。奏銷七分以上。應解銀二萬一千九百零兩。耗羨銀二千數百兩。本年尚有滯征二年分民欠查。□令任內。僅征本年地丁銀六百四十三兩零。二年分地丁銀二兩六錢。是□令經征已歷八月。尚不及原額十分之一。而卑職欲以四個月內。趕征全額。此即神輸鬼運。亦難見少。此不能不誤者二也。查晉邑錢糧分設五櫃。各派糧書專司其事。每櫃設圖承七八名。分路征收。按郊報繳。卑職抵任後。查點櫃書五名。本缺其

一而三名因欠口令糧銀管押追繳圖承則僅存其半且互相推諉不肯承當卑職欲另換新書諭令各經書公舉並許以妥議章程不使受累乃兩旬以來竟無一人承應報募圖承亦復如是款自行派丁赴鄉催征而縣中向無寔征糧冊民間田糧又多津貼詭寄向惟賴圖承查開欠戶今則并圖承亦多散亡此不能不悞者三也近日銀價每兩貴至三千餘文照口令減定之數則批解時耗羨火耗解費每兩須賠錢一千餘文是晉邑錢糧平空增原額叁分之一即使百姓踴躍輸將卑職亦無力賠墊此不能不悞者四也竊以口令前後兩任熟悉地方紳民悅服且減定糧價而在任三年所征尚不敷坐支卑職受任于破壞之後經營于凋敝